

EGA 2019

Azterketa eredua

1) Egunak / proba kopurua

C1 mailako Euskara Gaitasun Agiria, bi azterketaz osatua da: azterketa idatzia eta ahozko azterketa. Biak gainditzea beharrezkoa da EGA lortzeko.

Azterketak bi fasetan eta hiru probatan iragaten dira:

- Lehen egunean proba idatzia eta entzunaren ulermena.
- Bigarren egunean ahozko adierazpen proba.

Euskaltzaindiaren arauak dira zuzentasunaren oinarrian.

2) Iraupena

Azterketa idatziak **3 oren** irauten du, entzunaren ulermena neurtzen duen ariketa pasatzeko behar den denbora kontuan izan gabe.

3) Proben deskribapena

3.1) Azterketa idatzia

Azterketa idatziak bost ariketa ditu, baina egun horretan beste bat ere egiten da, entzunaren ulermenarena:

- Idazlana
- Gutuna
- Esaldiak berridaztea
- Sinonimoak
- Irakurriaren ulermena

- Entzunaren ulermena

a) Idazlana

Bi gai eskainiko dira aukeran eta kandidatuak horietako bat garatu beharko du. Kandidatuak 250 hitz inguru idatzi beharko ditu.

30 punturen gain neurtua den ariketa hau gainditzeko, kandidatuak 15 puntu erdietsi beharko ditu gutienez. Azterketa idatzia gainditzeko, baitezpadakoa da kandidatuak idazlana gaindi dezan.

b) Gutuna

Bi gai eskainiko dira aukeran eta kandidatuak horietako bat gutun gisa idatzi beharko du. Kandidatuak 150 hitz inguru idatzi beharko ditu. 10 punturen gain neurtua den ariketa hau gainditzeko, kandidatuak 5 puntu erdietsi beharko ditu gutienez.

Idazlana eta gutunaren kalifikaziorako ondoko alderdi hauek hartuko dira kontuan: zuzentasuna, egokitasuna, diskurtsoaren koherentzia/kohesioa eta aberastasuna.

c) Esaldiak berridaztea

Emandako hamar esaldiren moldapena egin beharko du kandidatuak:

c).1 - Bost esalditan, esaldi baliokideak sortu beharko ditu beste egitura batzuk erabiliz, beti ere esaldi bakarra osatuz.

Berridazketa bideratzeko eta gauzatzeko, elementu batzuk eskainiko zaizkio erreferentzia gisa.

c).2 – Beste bost esalditan akatsak zuzendu beharko ditu.

Moldaketa oso eta zuzen bakoitzak puntu erdiko balioa baitu, gehienez 5 puntu lor ditzake kandidatuak ariketa bikoitz honetan.

5 punturen gain neurtua den ariketa bikoitz hau gainditzeko, kandidatuak 2,5 puntu erdietsi beharko ditu gutienez *.

d) Sinonimoak

Testu labur bat(zu)e(t)an azpimarratuak diren hamar hitzen baliokide egoki bana bederen eman beharko du kandidatuak. Hitz horietako bakoitzak testuinguruan duen erranahia kontuan harturik eman beharko du baliokidea.

Erantzun zuzen bakoitzak puntu erdiko balioa du.

5 punturen gain neurtua den ariketa hau gainditzeko 2,5 puntu erdietsi beharko ditu gutienez*. Erantzun okerrengeatik ez da punturik kenduko.

*Sinonimoen eta esaldiak berridazteko ariketen kalifikazioak bilduko dira eta bietatik batean 2,5 puntu lortu ez bada ere, bien artean gutxienez 6 puntu lortuz, gaindituzat emanen dira. Azterketa idatzia gainditzeko, baitezpadakoa da sinonimoen eta esaldiak berridazteko ariketen bilduma gainditzea.

e) Irakurriaren ulermena

Testu batzuk eskainiko zaizkio kandidatuari, horiei buruzko ulermen galderei erantzun diezaien. 10 punturen gain neurtua den ariketa hau gainditzeko 5 puntu erdietsi beharko ditu gutienez.

f) Entzunaren ulermena

Azterketa idatziaren egunean egingen da ariketa hau.

Grabaketa zatiak entzuten ditu kandidatuak. Zati bakoitzari buruz galderak egingen zaizkio eta erantzun zuzena hautatu beharko du, aukera anitzekoak edo egia/gezurra moldean emanen zaizkion erantzunen artetik.

5 punturen gain neurtua da ariketa hau.

3.2) Ahozko adierazpena:

Bi ariketa ditu:

- Dokumentu baten ahozko azalpena.
- Bat-bateko elkarrizketa saioa.

Kandidatuak 20 bat minutu izanen dute probaren lehen ariketa prestatzeko. Bi aztertzailez osatu epaimahaiak, binaka entzuten ditu kandidatuak. Probaren iraupena 20 bat minutukoa izanen da, orotara.

20en gain neurtua den proba hau gainditzeko, 10 puntu erdietsi beharko ditu gutienez.

Proba hau gainditzea baitezpadakoa da EGA gainditzeko.

Ahozko azterketaren batez bestekoa egingen da gero, ariketa honen eta "Entzunaren ulermena" ariketaren artean.

a) Dokumentu baten ahozko azalpena

Kandidatu bakoitzari gai desberdin bat emanen zaio idatziz, hogeituz prestatzeko. Ondotik, kandidatu bakoitzak bere aldi, egokitu zaion informazioaren bost bat minutuko azalpena eman beharko du ondoko elementuak kontutan hartuz:

=> testuaren aurkezpen txukuna egitea

=> mamiaren puntu funtsezkoenak deskribatzea

=> iritzi edo gaiaren hedadura posiblea proposatzea kandidatuak bere baitatik.

Kandidatu bakoitzak frogatu beharko du ere, besteak egin duen aurkezpena ulertu duela, aztertzaileak egingen dion galdera bati erantzunez.

b) Bat-bateko elkarrizketa saioa

Aztertzaileek gai bat emanen diete kandidatuei. Kandidatu bakoitzak gai horri buruzko ikusmolde bat garatu beharko du.

Kandidatuak elkarrizketan arituko dira, emana zaien ikuspuntuaren alde eginez. Elkarrizketa edo eztabaida bideratzeko edota orekatzeko, aztertzaileek parte har dezaket. Kandidatuak, bien artean, guti gora behera zazpi minutuz arituko dira.

4) Puntuazioa

Azterketa idatzian eta ahozkoan, ondoko neurri hauek beteko dira:

- Azterketako ariketak eta puntuazioak gisa honetan banatuko dira:

EGA edo C1 mailako euskara agiriaren azterketa: Proben puntuazioa			
Azterketa-probak	Ariketa	Gehienez lor daitezkeen puntuak	Gaunditzeko gutxienez lortu behar diren puntuak
Proba idatziak	1) Idazlana	30	15
	2) Gutuna	10	
	3) a Esaldiak berridatzi (5 esaldi)	2.5	2.5 bakoitzean edo 6 bien artean
	b Esaldiak zuzendu (5 esaldi)	2.5	
	4) Sinonimoak (10 baliokide)	5	
5) Irakurriaren ulermena	10		
	Idatzia orotara	60	30/31
Ahozko probak			
Entzumena	Entzunaren ulermen ariketa	5	
Ahozko adierazpena	Ahozko ariketak: azalpena + elkarrizketa	20	10
	Ahozkoa orotara: (Entzunaren ulermena + ahozko adierazpena) x2	50	25
Azterketa orotara		110	55/56

- Azken emaitza Bikain/Ongi/Aski Ongi/Gaunditua edo Ez gaunditua izanen da.

- Idazlanean batez bestekoa lortzea baitezpadakoa da idatzia gaunditzeko (15/30).

- Esaldiak berridazteko ariketa bakoitzean eta lexikoarenean bakoitza ez bada gaunditu 2,5 punturekin, konpentsazio-sistema erabiliko da, bien artean 6 puntu lortu beharko ditu kandidatuak probak gaundituzat emateko. Proba hau gaunditzea baitezpadakoa da idatzia gaunditzeko

- Ahozkoan, "Mintzamina" gaunditzea baitezpadakoa da EGA eskuratzeko.

- Deialdi bateko idatziko kalifikazioak, urte bereko bigarren deialdirako soilik mantenduko dira.

5) Kopien kontsulta

Azterketa gaunditu ez duen kandidatu batek bere azterketa ikusi nahi izanez gero, Batzorde Zientifikoak finkatuko duen data batean egin dezake.

6) Balio urritasunak

Balio-urritasun bat duten kandidatuak EGA azterketa berdintasunez egiteko parada ukan dezaten, Batzorde Zientifikoak beharrezko jotzen dituen egokitzapenak ezarriko ditu, denboran nahiz baliabideetan, azterketaren edukia aldatu gabe eta eskatu beharrezko gaitasun-maila murriztu gabe betiere; kandidatuak eskaera eta beharrezko mediku-agiria izen-emate epeetan helarazi beharko ditu.